



Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

DE SACRAMENTO|| POENITENTIAE.|| QVATVOR LIBRIS COM-||REHENSA.||

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

XIII. Probatur veritas.

[urn:nbn:de:hbz:466:1-54092](https://nbn-resolving.de/urn:nbn:de:hbz:466:1-54092)

confirmando est; testimonio Scripturæ, traditione veterum,
& ratione.

CAPVT XIII.

Probatur veritas.

VOD attinet ad PRIMVM: habemus in primis exempla; vel potius typos & figuræ Testamenti veteris. Extra controvërsiam est, Circumcisionem datam Iudæis in figuram Sacramenti Baptismi; unde etiam Baptismus ab Apostolo Coloss. 2. dicitur Circumcisio spiritualis, & non manufacta. Si quis autem diligenter euoluat Scripturam veterem, nusquam inueniet memoriam Circumcisionis præscribi tanquam remedium peccatorum post Circumcisionem perpetratorum; sed sacrificia, expiations, confessionem peccatorū, ut ex cap. 4.5. & 6. Leuitici colligi potest. Eodem igitur modo in Testamento nouo existimandum non est, Baptismi memoriam remedium esse ad ea peccata purganda institutum, quæ post Baptismum committuntur, sed sacrificium noui Testamenti, & expiationem per Confessionem, & Absolutionem.

Habemus DE INDE testimonium Apostoli Ioannis in epist. i. cap. i. ubi loquens idem Apostolus de remedio peccatorum, quæ baptizati indies committunt; non ait: Si Baptismū ad memoriam reuocauerimus; sed: *Si confiteamur peccata nostra, fidelis est ē iustus, & remittat nobis peccata nostra, ē emundet nos ab omni iniuitate.*

Habemus TERTIO B. Pauli Apostoli testimonium, in epist. ad Hebr. cap. 6. *Impossibile est eos, qui semel sunt illuminati, gustauerūt etiam donum cælestē, & participes facti sunt Spiritus sancti, & prolapsi sunt; rursus renouari ad Pœnitentiam, rursus crucifigentes sibi met ipsiſis Filium Dei, & ostentui habentes.* Hoc enim loco non negat Apostolus, posse lapsos post Baptismū Deo per Ecclesiam reconciliari, ut falsò Novatianos sensisse, etiam aduersarij nostri concedunt. Quomodo enim Paulus negaret, lapsos post Baptismum reconciliari posse, qui Corinthium post Baptismum grauissimo scelere inquinatum, reconciliari permisit? Sed negat posse renouari per Baptismum: sic enim hunc locum intelligunt, Chrysostomus,

sostomus, Theodoretus, OEcumenius, Theophylactus, Ambrosius, & alij in commentario huius loci; & præterea Ambrosius lib.2. de Pœnitentia, cap.2. vbi copiose hoc ostendit, Nouatianos refellens. Idem etiam apertissimè docet Augustinus in exposito epist. ad Roman. inchoata, propè finem, vbi notat, eos qui post Baptismum labuntur, curari posse per Pœnitentiam, non autē renouari, quod est proprium Baptismi. Idem habet etiam auctor libri de vera & falsa Pœnitentia, cap.3. qui liber habetur in quarto tomo operum sancti Augustini.

DE INDE circumstantiæ loci vix patiuntur aliter accipi verba Apostoli. Nā initio capituli monet Apostolus Hebræos, vt non respiciant iterum ad primordia Baptismi, & fidei, & eius Pœnitentiæ, quæ Baptismum præcedit, cestque veluti fundamentum ædificij spiritualis: *Quapropter, inquit, intermitentes inchoationis Christi sermonem, ad perfectionem feramur, non rursus iacentes fundamentum Pœnitentia ab operibus mortuis, & fidei in Deum, Baptismatum doctrina, impositionis quoq; manuum, ac resurrectionis mortuorum, & iudicij extremi.* De quibus Pauli verbis loquens AVGUSTINVS libro de fide & operibus, cap. II. *Hac, inquit, omnia pertinere ad initia Neophytorum, satis aperteque Scriptura testatur.* Reddit autem in sequentibus verbis Apostolus rationem, cur non oporteat respicere ad illa primordia, cùm ait: *Impossibile est enim eos, qui semel sunt illuminati, &c.* ac si apertiūs diceret: *Quia non contingit nisi semel, ea renouatio, quæ habetur per Baptismum.* Describi verò Baptismum per illuminationem, dubitari non potest: inde enim omnes veteres, ac maximè Græci, baptizari illuminari dicunt, & Baptismum Sacramentum luminis appellant.

Cùm ergo ex Apostolo habeamus, impossibile esse iterum renouari per eam Pœnitentiam, quæ cum Baptismo coniuncta est: necesse est omnino, aut negare cum Nouatianis reconciliationem, aut cum Catholicis admittere nouum Sacramentum à Baptismo distinctum, quo peccatorum remissio tribuatur. NEQUE dicere possunt aduersarij, Paulum tantum velle, non debere iterum repeti actionem Baptismi: non enim Paulus de cæremonia, sed de eius effectu, id est, de renouatione loquitur. Quare si Baptismi effectum iterum ha-

Fffff 3 bere

bere non possumus, certè alium ritum, aliud Sacramentum quærere debemus.

ADDE, quòd cùm in Scriptura legamus exempla eorum, qui post Baptismum lapsi sunt, ut Simonis, Actor. 8. & Corinthij incestuosí, 1. Cor. 6. nusquam tamen legimus eos remissos fuisse ad memoriam Baptismi. Et mirum sanè esset, unicum remedium in tota vita esse Baptismi memoriam, & tamen in Scriptura nullam fieri huius remedij mentionem.

ACCEDEDAT nunc traditio veterum Patrum, qui quidem summo consensu docent id, quod aduersarij in Concilio Tridentino, sess. 14 cap. 2. repræhendunt, quòd videlicet non sine magnis fletibus, & laboribus ad eam integritatem reconciliationis peruenire possint, qui post Baptismum Pœnitentiam agunt, ad quam facili negotio per Baptismum antè peruenient.

TERTVLLIANVS in libro de Pœnitentia, vocat Pœnitentiam tabulam post naufragium, & secundam ianuam, quam pulsantibus patebit, obstructa per peccatum ianua indulgentiæ, & sera intinctionis. Item appellat post Baptismum secundam spem, & secunda subsidia: & ibidem ostendit, per multos labores perueniri ad remissionem post Baptismum, cùm ante Baptismum facillimus sit aditus ad indulgentiam.

CLEMENS Alexandrinus apud Eusebium lib. 3. histor. cap. 17. aliás 24. vocat Pœnitentiam Baptismum lachrymarum: atque ibidem significat, multis orationibus & ieuniis opus esse ad remissionem, quæ fit post Baptismum.

CYPRIANVS in serm. 5. qui est de lapsis, nihil aliud agit, quam, post Baptismum si quis labatur in peccatum, ei necesse esse multis lachrymis & ieuniis culpam suam abluere: & lib. 3. epist. 15. & 16. grauiter repræhendit eos, qui Absolutionem pœnitentibus dabant, antequam iustum Pœnitentiam egissent. Similia habet Ambrosius in libro ad Virginem laplam, cap. 8. vbi comparat Pœnitentiam tabulæ naufragij. Idem Gregorius Nazianzenus oratione in sancta lumina, vbi distinguit Baptismum aquæ, qui facilis est, à Baptismo laborioso, & lachrymarum, qui est eorum proprius, qui Pœnitentiam agunt post Baptismum. Eadem habent, & eadem similitudine naufragij vtuntur, Pacianus epist. 1. ad Simproniam.

nianum, & Hieronymus in caput 3. Isaiae, & in epistola ad Demetriadem, & in altera ad Sabinianum.

EPIPHANIUS hæresi 59. quæ est Catharorum, scribit, eos qui post Baptismum in peccata labuntur, non posse amplius ad Baptismum confugere, sed aliud remedium esse quærendum, videlicet Pœnitentiam.

AVGVSTINVS in epist. 23. ad Bonifacium: *Si infans, inquit, post Baptismum propria incipiat habere peccata; illa nō regeneratione auferuntur, sed alia curatione sanantur.* Et lib. 2. de adulterinis coniugiis, cap. 16. *Si à Catechumeno factum est homicidium, Baptismate abluitur; si à baptizato, Pœnitentia & reconciliatione sanatur.* Ethomil. 50. exlib. 50. homiliarum, distinguit tres Pœnitentiæ actiones: *vnam quæ agitur ante Baptismum: alteram quotidianam atque perpetuam pro peccatis venialibus, pro quibus affiduè dicimus: Dimitte nobis debita nostra: tertiam pro lethalibus peccatis, quæ post Baptismum committuntur; ac de tertia ista sic loquitur, cap. 9. In hac Pœnitentia maiorem in se quisq; severitatem exercere debet, Et à seipso iudicatus, non iudicetur à Deo.*

CHRYSOSTOMVS lib. 3. de Sacerdotio, & CYRILLVS lib. 12. in Ioannem, cap. 56. apertè distinguunt modum peccata remittendi per Baptismum, & per alia Sacra menta; quod certè non facerent, si Baptismo peccata omnia præterita, & futura dimitterentur.

THEODORETUS in Epitome divinorum decretorum, cap. de Pœnitentia, scribit, vulnera quæ post Baptismum accipiuntur, curabilia quidem esse, sed non, vt olim, facili negotio per lauacrum regenerationis, sed per multas lachrymas, & opera laboriosa.

Denique IOANNES DAMASCENVS, vt recentiores omit tam, lib. 4. de Fide, cap. 10. repetit Nazianzeni sententiam de distinctione Baptismatis aquæ à Baptismate laborioso, & lachrymarum. Verè igitur Sacramentum Pœnitentiæ Baptismus quidam est, sed Baptismus, vt Patres omnes testantur, laboris, & lachrymarum.

ACCEDANT postremò etiam rationes. PRIMVM. Nulla ratio patitur, vt eadem facilitate Deus ignoscat iis, qui ignorantis, & qui scientes peccauerunt. Vera est enim Do-

mini sententia: *Ille seruus, qui cognovit voluntatem Domini sui, & non preparauit, & non fecit secundum voluntatem eius, capulabit multis; qui autem non cognovit, & fecit digna plagis, capulabit paucis.* Luc. 12. cui sententiæ congruit, quod de se Apostolus ait: *Misericordiam Dei consecutus sum, quia ignorans feci, in incredulitate.* i. Timoth. i. At si vera esset aduersariorum opinio, non eadem, sed, quod longè absurdius est, maiori facilitate ad veniam peruenirent, qui scienter post fidem, & Baptismum, quam qui ignoranter in incredulitate peccassent: facilius enim est Baptismum olim acceptum ad memoriam reuocare, quam re ipsa iterum baptizari. Hoc autem est, quod aduersarij volunt, peccata ante Baptismum admissa, per Baptismum re ipsa susceptum; contracta autem post Baptismum, per Baptismum quidem, sed memoria & cogitatione repetitum deleri. Quod si hæc absurdia sunt, ut reuera esse nemo sanæ mentis inficiari potest, illud efficitur; diuersum esse pactum Baptismi à fœdere reconciliationis post Baptismum; proinde diuersum etiam Sacramentum.

S E C U N D O. Ritus Baptismi & Pœnitentia diuersam habent materiam, & formam: diuersa igitur Sacraenta existimanda sunt. Quod attinet ad materiam, infra suo loco probandum erit, materiam Sacraenti Pœnitentia esse ipsius pœnitentis actiones; cum Baptismi materiam, aquæ aspersionem esse nemo neget. Baptismi formam admittunt omnes illis verbis Dominicis contineri: *Ego te baptizo in nomine Patris, & Filii, & Spiritus sancti.* Ad eam reconciliationem, quæ fit post Baptismum, nemo dicit: *Ego te baptizo, sed, Ego te absoluo,* quam Absolutionem etiam priuatam, agnoscunt, & ex verbo Dei rectè doceri fatentur, Kemnitius & Caluinus, ut suprà ostendimus.

S E T ad hoc argumentum respondet Caluinus lib. 4. Institut. cap. 15. §. 4 potestatem Clauium, quæ exercetur in Absolutione, non posse à Baptismate separari: non enim potestatem Clauium exerceri sine prædicatione Euangelij, qua annunciamus impios mundari Christi sanguine. Signum autem ac testimonium lauaci illius, non esse aliud, nisi Baptismum: ita signum utriusque verbi, id est, tam illius, *te baptizo, quam huius, te absoluo,* vnum atque idem, non aliud & aliud esse.

A*1*

A T facilis est huius responsonis confutatio. Nam quidquid sit de signo materiali, certè verbum aliud esse in Baptismo, aliud in reconciliatione pœnitentium, Caluinus negare non potuit. Cùm autem verbum potissima Sacramenti pars sit, necessariò efficitur, ut Sacraenta diuersa sint, Baptismus, & pœnitentium reconciliatio ; quæ verbis diuersis constant. Quidquid verba diuersa, diuersa etiam signa materialia exigunt. Nam signum materiale est quasi visibile verbum, & illud idem sensibus offerre debet, quod offert verbum : neque id aduersarij negant. Porrò verbum, BAPTIZO, quod lauacrum sonat, rectè adiunctum habet ritum Baptismi per aquam : idem enim oculis offert actio lauandi, quod auribus verbum baptizandi. At verbo ABSOLVO, quod à vinculis soluendis, non à fôrdibus abluendis dicitur, non congruit ritus ablutionis. Quare non potest esse signum externum reconciliationis pœnitentium Baptismus, cùm eandem similitudinem continere atque exprimere debeant, verbum & elementum. Et quamvis à virtute sanguinis Christi omnis nostra iustificatio pendeat; tamen idem Christi sanguis, & lauacrum, & precium, & poculum etiam dicitur: & propterea per varia signa esse ceterus eius representari, & virtus applicari potest, per Baptismum ut lauacrum, per Absolutionem ut premium; per Eucharistiam ut poculum. Et sicut Eucharistia non censemur ab aduersariis idem Sacramentum cum Baptismo, ita nec debet ritus Absolutionis cum Baptismi ritu confundi, licet omnia ista signa, ac testimonia sint sanguinis Christi pro nobis effusi, cuius virtute lauamur, soluimur, potamur. Ex quo argumentum Caluini planè euacuatur. Fatemur enim Christi sanguine nos iustificari, siue cùm baptizamur, siue cùm reconciliamur, siue cùm potamur, sed per diuersa externa signa, atque adeò Sacraenta, vim sanguinis illius ita nobis applicari, ut modò mundari, modò solui, modò potari dicamur.

TERTIO. Ministri diuersitas diuersa Sacraenta esse testatur. Constat enim Baptismum ratum esse, etiam si à non Sacerdote tribuatur: nam Actor. 8. Philippus Diaconus baptizauit. Actor. 9. Ananias, qui ne Diaconus quidem erat, sed merè laicus, Apostolum Paulum baptizauit. Id enim contigit primo anno à passione Domini, quo tempore solum erant

Fffff 5 septem

septem Diaconi ab Apostolis ordinati, è quorum numero A-nanias non erat. Et Ruffinus lib. 10. hist. cap. 14. scribit, Baptis-
mum verum ac ratum habitum esse, quem Athanasius lai-
cus, & puer, aliis quibusdam pueris aliquando contulerat. At
 reconciliationem Pœnitentium, ita propriam semper fuisse
 scimus Episcoporum & Presbyterorum, vt si laicus id facere
 quavis necessitate præsumeret, irritam esse reconciliationem
 nemo ambigeret. De qua re suo loco disseretur.

QUARTO. Si Baptismus Sacramentum Pœnitentiae esset,
 ac per cogitationem & memoriam repetitus, obsignaret, vt
 aduersarij loquuntur, promissionem reconciliationis, quo-
 cunque tempore opus esset; illud efficeretur, non debere nisi
 adultos baptizari, vt ab Anabaptistis, quos Lutherani etiam
 & Calviniani reprehendunt, fieri videmus. Nam alioqui in-
 certissima erit iustificatio, quippe quæ ab hominum testimo-
 nio pendeat: neque enim qui infantes baptizantur, cum po-
 stea adoleuerint, baptizatos se fuisse recordari possunt, sed
 coguntur alienis verbis, non suis oculis credere. Quo pacto
 igitur ista cohærent, vt Sacraenta percipi dicant, quo certi
 reddantur homines propriæ iustificationis: & tamen incer-
 tos eos esse cogant an Sacramentum percepient, cum infan-
 tes baptizent?

QVINTO. Si Baptismus valet ad peccata, non solùm pre-
 terita, sed etiam futura delenda; quæro, quo tempore futura
 peccata deleat: an tunc, cum primùm suscipitur, an posteà,
 cum ad memoriam reuocatur. Si enim cum primùm suscipi-
 tur, omnia peccata etiam futura usque ad finem vitæ deleantur;
 incredibilis consequetur absurditas, vt videlicet peccata prius
 deleantur quam fiant, & homini baptizato nulla peccata e-
 tiam post Baptismum admissa, nocere queant, ac demum ut
 omnes baptizati, ac proinde omnes tum Catholici tum Ha-
 retici, modò Baptismum susceperint, necessariò saluari de-
 beant: verum enim esse Baptismum, & salutarem, quem in-
 fantes apud nos suscipiunt, Lutherani & Calviniani non ne-
 gant.

QUOD si fortè dixerint, peccata post Baptismum com-
 missa non esse, antequam fiant, deleta, sed tunc demum pur-
 gari, cum per fidem & Pœnitentiam ad signum, & fœdus Ba-
 ptismi animo & cogitatione redditur: duplex absurditas con-
 sequen-

sequetur. Nam & incerta erit iustificatio, ut paulò antè dicimus, cùm ab hominum testimonio pendeat: & eadem ratione tolletur Eucharistiæ frequentatio, cùm ita sufficere possit memoria spiritualis cibi aliquando gustati, quemadmodum memoria sufficit lauaci aliquando percepti. Vel si ridiculum est, ita memoriam cibi ad saturitatem prodest, ut cibus ipse prodest: cur non sit etiam ridiculum, ita memoriam lauaci ad maculas eluendas conferre, ut lotio ipsa confert?

CAPVT XIV.

Soluuntur obiectiones.

Sed iam argumenta aduersariorum diluenda sunt. Et quoniam in lib. de Baptismo, cap. 18. soluimus argumenta Lutheri, Kemnitij & Caluini, quæ ipsi attulerant in disputationibus de Baptismo: nunc ea solum argumenta dissoluenda restant, quæ Caluinus addidit lib. 4 Instit. cap. 19. §. 17. vbi de Sacramento Pœnitentiae propriè disputat. Sic igitur ille argumentatur; Baptismus per peccatum non deletur; igitur tota vita utilis esse poterit, si ad memoriam reuocetur, quoties peccator de remissione cogitat: *Quasi verò, inquit, per peccata deleatur Baptismus, & non potius in memoriam reuocandus sit peccatori, quoties de peccati remissione cogitat, & illinc se colligat, animumque recipiat, & fidem confirmet, &c.*

R E S P O N D E O; Multa sunt in Baptismo: P R I M U M, actio ipsa ablutionis, quæ propriè cum verbo Sacramentum facit atque hæc non permanet, sed dum efficitur, transit, ut notum est. D E I N D E, gratia regenerationis, & renouationis, quæ per Baptismum acquiritur: hæc verò manet in anima, donec per lethale peccatum eiiciatur. Qui enim post Baptismum peccant, desinunt esse filii Dei, & hæredes Regni, atque ad membra Diaboli, & Gehennam pertinere incipiunt: id quod in Scripturis apertissimum est. T E R T I O, character quidam spiritualis, & hic quidem semper manet, neque per ullum peccatum aboleri potest, & ratione eius, Baptismus repeti nequit. Sed neque Caluinus characterem istum admittit, neque est character signum visibile atq; externū, ut verbo adiunctum, propriè Sacramentum efficiat. Quare licet Baptismus in suo quodam